

4. बाज मुदाम

— आदित्य मित्र 'संताली'

मुन्शी आर मायनो: आकिन गे जुरीं—पारी, पारवा जुरी होड़, नेस बापूला, नावौं दुलाड़! बाना होड़ा: जिवी दो रासका ते चेहेल—चेपेल ताँहेंना जाव हिलो:। मारा: लेका केदेजो: ताकिना जिवी गे बाड होड़मो हों! मायनोमाती लिंकिर नाचोनिया आर मुन्शी मान्दाड़िया! ओकोय गे बाकिन कोमा पासाड भोर हों!

मित् दिनां: काथा। मेन्शी आर मायनो दो चेतान टोला आखड़ा एनेच् खोनकिन रूवाड़ काना जिन्दा। तेरदेच् मारसाल; चारियो सेन रूपा बाराग तासेयाकान मारसाल! उल दारे चोट रे कौक्को आप् आकाना—बाहा दारे रे पोण्ड बाहा—बाहा वाकान लेका हाँसगे। मा नाहाँ: आम हों दिसायमे सारी से नासे। मुन्शीया: मोने दो मायनोवा: सेरेज रे ढाड आकाना। आखड़ा भांगाव ताक मायनोय सेरेज लेदा—

“आमा: जिवी जिवोन इज रे,

इजा: जिवी जिवोन आम रे,

जिवी—जिवी जिवोन तोलोन—बाजेन,

बाज मुदाम लेका बाजेना रे।”

हुदिसेदाय ‘ताड़े सुताम’ लेका तोलेना रे’ से ‘बाज मुदाम’ लेका बाजेना रे? बानार काथाय तुला लगायेदा। ताड़े सुताम गे चो सेरेज रे मा, ओका खोन बाज मुदाम दो? हेच् एना—पान्तेयेन नापाय? पान्तेयेना से सेरेजेना? सेरेजेना से मायनोय सेरेज लेदा? हे, मायनो गेय सेरेज लेदा। आदो चा: ए सेरेज लेदा, ओनका दो?

‘आछा, मित् काथाज कुलीमेया?’ मुन्शी दो मोने रे आकुल—बाकुलए आइकाउकेत् तेय रोड़ साडे केदा।

‘चेत् काथा?’

‘तोड़े सुताम से बाज मुदाम को मेना? मुन्शी दो कुकली बाय जुत केदा।

सानताड़ी काहनी गानथार [14]

‘तोड़े सुताम हों बाज मुदाम हों’ मायनो दो रोड़ रूवाड़ बाय जुत केदा।

‘इजा: मोतलोब दो—’

‘इजा: मोतलोब हों’

काथा दो बाकिन जुत लेदा आर बाकिन फाण्डाव लेदा। एक—लान्दा बाड़ा कातेकिन थिर एना। मित् घाड़ी तायोम मायनो दोय एहो केदा— ‘तोड़े सुताम दोम चेकाया बाज मुदाम खोच्—।’

‘हो, ओनाते गे ‘बाज मुदाम लेका बाजेना रे’ दोम सेरेज लेदा लान्दा जो: केदाय मुन्शी।

‘आम दो लान्दा—लान्दा गेम आइकावा—बोंगे तेको रोड़ेज दो बाडा—मायनो दो दुलाड़ साताला: ए मेन केदा।

‘चेत्को रोड़ मेया ओकोय?’ मुन्शी दो बाडाय साना केदेय

‘चेत्को रोड़ेजा?’ मित्जाको— ‘आम जावौंय दो ना चेत् हो बा एमा।’

‘चेकाते बाड—मोने, जिवी, ओन्तोर जोतोवा: गे चोज एमात्मे—आलाया में, आदो चेत्?

‘जाहाँन होरो आभरान?’

‘हो ओना—’

‘इज दो जाहाँना: दो बाड बाज मुदाम गे बेनाव ओचोवाजम इना खाच् आलाडा:.....।

‘बुझाउ किदाज; गापा सेता: ओचोवान।’

सेता: पायाड़; होड़ दो आपना—आपनी कामीको साप् आना आर मुन्शी दो बाज मुदाम रे गे जिवीताय दो। ओना गे मायनोवा रासका आर मायनोवा: रासका गे मुन्शीया: जियोन! मोहण्डायेनाय मुन्शी मि सोनहार ओड़ाक्ते। नामडाक् सोनहार! आडे—पासे रेन कुडी—कोडा रन ठेन गे जाहाँना:को बेनाव ओचोया। नामी कारीगोल सोना—रूपा रेन सेदाय बाबा बिदाल खोन गे सोना—रूपा कामी से हुनारको साप् आका इना गे उनकुवा: दाका—उतू।

तोबे मुन्शी दो सोनाय किरिज केदा मोहें आना भारी आर रन सोनहार गेय एमादेया।

सानताड़ी काहनी गानथार [15]

दिन-दिन ते, दिन दो चाबा इदि: काना-बार बोछोर लेकाय बुझाउ केदा। मुदाम दो तिसे आगुया? होरो: लेगा कियाज। आतो-ओड़ा: रेन सोगेकोज उदु आकोवा-नौंओय जेलतिजपे बाज मुदाम!

आखिर मुदाम दो बेनाव सात काते सोनहार दोय आगू ओटो कादा। उन जोखेन रासका रेया: ठिकान बाड! मायनो दो तुल राकाप आर तुल फेडे लेकाय आइकाउ केदा। मेनखान होरो: लेगा केत माय डील गे। चेकायाय? ओना गेय होरो: एडे जोड काना। नोवां गे कुसी आर नोवा गे रासका उनीया, उन दिन खोन वानिज जामा:। डील रे हौ बाज मुदाम गे मोने-मोने तेय सेरेजाना मायनो-

आमा: जिवी जिवोन इज रे

इजा: जिवी जिवोन आम रे।

जिवी-जिवी जिवोन तोलेन बाजेन

बाज मुदाम लेका बाजेना रे।

हाटिया हिलो:। मुन्शी दो बुलुड सुनुम मेनते हाटिया तेय दुकाना। मित् टेन पाँची रे थोड़ा गान होडेच आर थोड़ा गान लुटनीय घेंट केदा आर काडा गुपी पाँयड़ा रेय गो: केदा। एन हिलो: दो बैजाय रावाल गेय ताड़ाम केदा। सोंगेतेन होड होंय तायनोम उतार केत्कोवा। हाटिया तियागो: देला दिली हाटिया आडे रे गे ओकोय तेंगो वाकान अलते चोय धाक मारावेना! हाय रे उनी मा रायडीह रेन मातला होपोन एरात बाहा काने! चेत् वाड से ढेर दिन रेय जेल केदेया! सेदाय डाँगुआ रे बाटी दा: रेकिन् किरिया लेना-जिवात् जोनोम आपासुलोक्आ मेनते। बाप्ला तोंगोल रे तोलोक्आ मेनते। सेदाय काथा दिसाते होडमो रुमुजेनताया! तेहेज हौ जेलमे, तिना: साज तिना: लितुर होडमो रे उनीया:। मेसकोच ओ: काते गाते कुडी सोंगेय लान्दा केदा। ढेर दिन खोन छाडवोई गे मेनाया। आर छाडवी कुडी सामाड रे चेकायेयाम डाँगुआ कुडी?

ताक दोय जाजाम कान गेया मुन्शी। तिन रे बाज गालमाराव।

ताक दोय जाम केदा पाण्डू हाड़ामा: थामाकुर दोकान ठेन। गालमाराव केदाकिन नासे दो मोचा ते आर नासे दो मेंट कुटी ते। मेंट कुटी रेया: गालमाराव दो जोतो जुवान होडको बाडाय गेया।

हे. आदो सावदा किरिज काते जोतो होडको रुवाड़ जोड काना।

हाटिया खोन रुवाड़ ताक दो जहुम ओक्ते ताहेकाना। काड़ा ज़ुत दो बाड, तेरदेच मारसाल गे ताहेकाना। मुन्शी आर बाहा दो मित् ते गेकिन रुवाड़ काना। एन हिलो: एनेच खोन रुवाड़ जोखेन जेमोन तेरदेच मारसाल ताहेकाना तेमोन गे तेहेज हौ चारियो सेन रूपा बाराग तासेयाकान मारसाल! उल दारे चोट रे कोंकको आप् आकाना बाहा दारे रे पोण्ड बाहा-बाहा वाकान लेका हाँस गे! मुन्शी दोय बैगेत् राकाप केदा ओनाको उल दारे सेच; आचका गे ओन्तोर खोन मित् टेन आड़ा राकाप एना मोचा रे-बाहा! आडी मोंज बाहा! नोवां ओन्तोर-आड़ा दो बाहा होंय आञ्जोम केदा- 'चेत् एम मेन केदा?' बाहावा: रोड़ आञ्जोम तोरा गे दिसा आचुरेन ताया बाहा मेनाया मेनते। आत् आकान लेकाय रोड़ केदा-चेत् हौ बाड!

'हैं चेत् चोम रोड़ लेत्-ठोक दो!

'आयो गे ठोक? चेत् इज ठोक केत्मेया?'

चेत् बाड! 'उना: दिन खोन ओकोर तोबेम एमा-दिजा निसाना!'

'चेत् निसाना?'

'जाहाँन होरो:-आभरान?'

'हो ओना-'

'इज दो जाहाँन होरो: दो बाड, बाज मुदाम खायच्।'

मुन्शीया: जिवी रे मित् घाडी हेलको राकाप एना मायनोवा: हिसा-सामुद! इना काते बाहावा: दुलाड़ आड़ा! बाना होड़ा: काथाय तुला केदा मोने रे। बाहा गे हामाल दोय आइकाउ केदेया। 'आछा नाहा: आलोम भावना:आ मेन काते मुन्शी दो आया: जोजोम ती दो बाहावा: तारेन रेय-जा: केदा:- जिन्दा बाइ-बाइ ते हारा इदि: काना आर होर कोमाव इदि: काना आस्ते-आस्ते!

ओड़ा: रे मायनोवा: मेंट गे बाड हारुबो: मोने रेय हुदिसेदा-चेदा: आदोय बिलोमेना? से, साफा दा: रेन बोंगाय साप केदेया? ओहो गे जानिच, एन्ते साफा दा: मा बाचोय बेवहार! इना: खान गे बाडगे दुवार सेच रे मित् टेन आड़ाए आञ्जोम केदा। हेच एनाम नुना: जिन्दा। सोरेनको हौ हानको हाना सा रे। हेच तोरा गेय कुली केदेया-चेकातेम बिलोमेना?'

‘सावदा कान ताहेंनाज’

‘मित् जिन्दा?’

‘बाड, हिजु-हिजु: ते गेज विलामेना’

नुना: दिन तेया: दुलाड इयाते मायनो दो जासती काथा बाय कुली लेदेया आर जाहाँन जारुड गे बाड कुली रेया:। हेच एनाय-वेस-एनाय। जिन्दा रे हों जुहुम रे हों, हेच एनाय थोर!

लोटा दाकए आगुवादेया। आरुप बाडा काते दाका जोमए एहोप एना मुन्शी दो आर मायनो दो उनीया: मेंत् हाँ गे तानमाने कोयो: उरिच आकात्ताया। मेंत् हाँ रे विलामेन रेया: ओनोल मेना: सिक! एनाड दाकावा: रेयाड चाबावेना-बाय जोम चाबा लेदा मुन्शी! नोवां दो मायनोवा: हुदिस?-आर मुन्शी दो बाहावा: काथा दिसा ते जोजोम गे बाड साना लेदेया। जाहाँ लेका जुतुम लेका हिरिच-पासिर जोम कातेय मेन केदा इया! तेहेज दो मित् होड ठेनिज चाला: लागित् आडी आँट ए रुआ: काना।

‘ओकोय रुआ: काना?’

‘जाहाँय गे, नित दो आलोम कुलीयिजा।’

‘नित जिन्दांम चाला:आ ?’

‘तेरदेच मारसाल दो चेले चेकायिजा ? गापा सेता: इज रुआड हिजु:आ।’

एनका रोड बाडा काते मुन्शी दो माराड ओडा: सेचए चालावेना आर मित् घाड़ी खान गेय सापडाव ओडोक एना। मायनो ठेन हेच सोर कातेय मेन केदा- ‘चाला: कानाज।’

नोवां काथा दोय बाडाय कान गेया जे मायनो दो चेत् हों बाय मित्ताज। बाड दो मित्ताज-आलोम चाला: आ, आर बाड दोय मित्ताज हें मा चाला:मे। एन होंय कुली केदे गेया आर सारी गे चेत् हों बाय रोड रुआड लेदा मायनो दो! तुम्बुत् थिर गेय ताहेंयेना।

मुन्शी दोय ओडोक एना ओडा: खोन। तिन रे सिन्दवारी गाजाड ठेने सेन एना- मुन्शी दो बाय बाडाय लेदा। ओण्डे गे बाहा दो मेनाया गोटा जिन्दा: कान रे हों। “मिलवा गाते: दो बाड कोमा- जिन्दा आर सिज रेया: ताफिन बानु:आ। जुत जिन्दा आरेल ते दाग रे हों मिलवा माया दो बाड छाडा:आ!” ओनका गे मुन्शी आर बाहा हों। ओडा: रे सानताडी काहनी गानथार [18]

कुरसा बाहा छाडा काते हानी अलेमे बाहा माई ठेन। आछा जा होओ ओण्डे बाना होडकिन जापाम एना। दुलाड साताला ओडा: बोगाया बाहा मुदाम दो बाहावा: कुटुप रे शोभायेना।

निया घोटना तायोम मित् दिना: काथा। मान्दार बुरु पाता जेलक चाला: काना दिसाम होड। सोर-सॉगिज रेन बेवाक रासकावानको सापडावेना कोडाको दो तिरिया रे सुनुमको जोत् आताको काना आर कुडीको दो होरो: बान्देना: को साफा सातो: काना।

मायनो हों बेगिदरा एँगातिचगे। उनीया: मोने आर जिवी हो रासक ते पेरेच एना आर पाता जेल चालाकए मुरुक होब केदा। सोगे हों आच जाबाँय मुन्शी होंय रियाड केदेया-‘देला आलाड हों जेमेन

‘बाज चाला:आ इज दो, मा आम एसकार गे जेल आगू जोडम।’

‘देला सांगे-सांगे’ आर मायनो दो जिदे, जिद केदा। चेकायाम मुन्शी होंय हेंयादेया।

मित् घाड़ी तायोम, रा: मेंत् हाँ काते मायना दो मुन्शी ठेन। सोर एना आरे कुली केदेया हाको-पाको-आकायेन तिजा बाज मुदाम जेल आकादाम?” मित्साताहेत् तेय रोड पुराड केदा से-सो मायना

मुन्शी दो चेत्ए मेना। बाड हों बाय मेन लेदा आर ‘हें’ हों बाड बेंगेत् उरिच केदाय ओत सेच। जेमोन ओत गेय तोगोच आकात् बार मुदाम दो!
